

Dr. M juga pernah salur wang ihsan

27/12 UM

KUALA LUMPUR 26 Dis. - Pengerusi Parti Pribumi Bersatu Malaysia (PPBM), Tun Dr. Mahathir Mohamad membuat kenyataan yang mengarut apabila menyamakan pemberian Bantuan Rakyat 1Malaysia (BR1M) dengan rasuah.

Menteri Komunikasi dan Multimedia, Datuk Seri Dr. Salleh Said Keruak berkata, bekas Perdana Menteri itu sendiri pernah melakukan langkah serupa dengan melaksanakan pemberian wang ihsan di Terengganu pada 2000.

Walau bagaimanapun, menurut beliau, Dr. Mahathir kini mengubah pendirian dan memperlekehkan inisiatif kerajaan menyalurkan BR1M kepada rakyat.

"Adakah Dr. Mahathir menyatakan semua program bantuan dan kebajikan akan dimansuhkan sekiranya pembangkang berkuasa?"

"Beliau mesti memperjelaskan perkara ini. Bila orang lain menerima bantuan, Dr. Mahathir menganggapnya sebagai rasuah,"



Bekas Perdana Menteri itu sendiri pernah melakukan langkah serupa dengan melaksanakan pemberian wang ihsan di Terengganu pada 2000."

SALLEH SAID KERUAK
Menteri Komunikasi dan Multimedia

katanya dalam kenyataan melalui laman blog beliau, <http://sskeruak.blogspot.my> hari ini.

Dr. Mahathir membuat dakwaan tersebut ketika berucap dalam program ceramah di Taman Wira Mergong, Alor Setar, Kedah kelmarin.

Bekas Perdana Menteri itu menganggap perbuatan menerima BR1M yang bertujuan membantu golongan berpendapatan

rendah menampung kos sara hidup adalah menyalahi undang-undang dan agama.

Salleh turut mempersoalkan tentang kekayaan yang dimiliki oleh keluarga Dr. Mahathir serta anak-anak lelakinya yang bergelar jutawan.

"Dr. Mahathir tidak akan menganggap BR1M sebagai rasuah jika keluarganya sendiri yang menerima bantuan tersebut," jelasnya.